

Grupo di John Flemming lo presentá: "Proverbionan na Papiamento"

La Cabana Villas ta presentá: "ARUBA NOS TA PROME". Proverbionan na Papiamento.

E grupo ta existi ya pa 12 aña caba y a gana diferente premio tanto den carnaval di mucha como parada grandi.

Grupo di John Flemming na diferente ocasion a sali como grupo di aña, luhoso, mas creativo, carozza di aña, carozza di mas grandi, "roadpiece" di aña, etc.

E aña'ki e grupo ta habri cu e "roadpiece" "Si e zapato ta sirbibo, bistie" cu Sharon v.d. Linden y Jessica Anthony.

Reina Hubenil di Santa Cruz, Irina Croes, ta cu e "bodypiece": "Sali for di panchi cai den candela".

Reina grandi di Santa Cruz, Shahaira Brokke lo presentá cu e "body piece" di "Splinter den mi wowo y e balki den bo wowo".

Lo sigui cu e "sexy group, consistiendo di mas cu 75 mucha muher y mucha homber cu e tema "Sexy Forty Celebration".

John Flemming y famfa ta presentá e "roadpiece": "Pisá ta muri pa su boca".

Maria Curiel ta sigui cu e "roadpiece": "Drumi cu galiña, lanta cu gai".

Marjorie Flemming, kende último añanan a gana "roadpiece" di aña lo presentá cu "Mas bale un parha den man cu 10 bulando",

presentando diferente parha cu bo ta haya na Aruba cu miles y miles di pluma. E "roadpiece" ta mas cu 5 meter hanchu y 4.80 meter halto.

Filomena Croes cu su "roadpiece" "Lanta morto for di santana". Roberto Gonzalez y famfa ta bini cu "roadpiece"nan di "Pronkia cu pluma di otro".

Wino Lopez y Jurraine Maduro, compaña dor di mas cu 15 bailarin di "Cocorico Dancers" ta presentá e "roadpiece" "Anochi tur pushi ta preto".

Irene Daké y Gerrit Tromp cu "roadpiece": "Caiman na boca di nieu".

Maria (Chichia) Werleman (Mrs. Carnaval) y famfa lo wordo compaña pa e grupo di baile "Arudanza" bao direccion di Jane Greaux ta presentá: "No tur cos cu briya ta oro".

Lo sigui 4 "body-piece" "Tapa solo cu un ede"; di Miriam Trejo-Baiz; "Unda tin amor tin Paz" di Artly Baiz; "Si bo planta simiya bo ta coi bon fruta" di Shirley Lacle y "Bati man pa Shelo" di Juan Geerman.

Ronzzio de Cuba compaña dor di mas di 20 "sexy girls" ta presentá e "roadpiece" "Unda tin humá tin candela".

Otro grupo cu lo sigui ta: "Flags of Aruba's Carnival Celebration" cu 75

participante.

Y finalmente e grupo lo sera cu 75 "roadpiece" presentando "all proverbs together".

E grupo lo bai ta sumamente largo, cu mas di 400 persona entre participante, miembronan di 2 banda y 2 discotec, mas e ayudantenan.

E bandanan cu lo com-

pañá e grupo ta "Papito y su Doble Sabor" y "Musical Time" y discotecanan "Genie" y "Eddy Tec".

Grupo di John Flemming ta deseá e pueblo un feliz carnaval y cu e aplauso di e público lo ta nan premio. Nan ta haci un súplica pa tene Aruba limpi y PABIEN Aruba cu Carnaval 40. □

"Los Laga Bai" lo los laga bai tambe den e paradan camavalesco di fin di siman.

For di nan vocero Emile de Cuba Alegría y Fantasía a ser informá cu e comentarioman cu nan a ricibí ta muestra cu "Robert y su Solo Banda Show" y e "Superoil Showpiece" a capta tur atencion durante parada di mucha na oranjestad.

Hopi hende cu tende nomber di Robert Jeandor incorrectamente ta asociá e internacionalismo maestro aki cu e ritmo di tumba y tumba só.

Diadomingo a keda comprobá "for once and for all" cu maestro Robert y su músiconan por competí riba tur terreno. Nan presentacion di Calypso y Road March tabata simplemente sublime y ta prometé hopi pa e gran fin di siman final di carnaval.

Complaciendo cu un peticion special ricibí di "Robert y su Solo Banda Show", organizadorman a dicidí pa aceptá un cantidad

masha limitá di participante adicional den grupo complaciendo asina cu algun di nan fanáticonan cu no a inscribí ainda.

Mientras tin cupo, por inscribí te cu Diahuebs anochi na e lugar di costumber, esta Pitastraat 8, tel. 23690, entre 8'or y 10'or di anochi.

Y amantenan di carnaval ata e bon noticia. Hit '94 ta bai celebrá su promé aniversario dia 15 di Februari. Fecha riba cual tin e parada di Rey Momo tambe.

Y pa e ocasion aki e emisora tin un "happening" grandi ta preparando.

E actividad lo cuminsá for di 4'or di atardi y lo caba pa 8'or di anochi, net pa bai e parada di Momo.

Lo tin actuacion di super orquesta QU-SI y diferente brassband. Keda pendiente!

Kentucky y Carnaval
Dos Gran Festival



We Do Chicken Right.



Juicenan cu
Sabor di Carnaval!

Fru-ko

COCTEL de
JUGOS

Satex Agencias de

TEL. 37132 FAX. (089-6) 37132



COASTAL ARUBA
The Energy People

Wishes Aruba a safe
Carnival 1994
and congratulates Coastal
Social Club with the
innovative idea "40 Years
Carnival Fantasy"
with all the Calypso and
Roadmarch themes.
We are proud of you!!